

حقوقى بىلىپلەر مجموعهسى

هر آيك اون بىشنده نشر اولنور

اسو پچره اجرا حکملری تدقیقلرندن :

— ۱ —

(اسو پچره اجرا نښکېدلی)

تدقیق وتبع ساحه من آرتدقچه ، عصر حاضر حقوقك وسعت وشمولنی ، مدنی حیات واحتیاجلردن طوغان ، بشرك ترقیات وتكملائنك سیر طبعیسی ایله توازن ایدن حکملرنی، داها اطرافلی کوریورز .

عصرلرك مساعی وتفكراتنك محصلهسی اولان مدنیت حاضرهنك افاده ایلدیکی معنا نه ایسه فكر وحیات ایله مرتبط حقوق حاضرده اودر. ماضی ایله حال مدینتلرینك ، اسکی ایله ییكی كشفلر ، اختراعلر وواسطه لرك مقایسه سندن حاصل اولان حقیقت حقوق سابقه وحاضرهنك مقایسه سنده دخی عینی صورته تجلی ایدر. هواده اوجق ، دكرالنده كزملك واسطه لرینك ایجادینه منتهی اولان عینی بولدن كالات حقوقیه ده موجود بولمشدر. بشر كتله سنك وجوده كتیردیکی اثرلر بر مجموعه كالدر .

ملتك روخندن طوغان ، بوتون روحك صمیمی آرزولرینی كشف وتطبیق صورتهلر بیوك همترلرله وجود بولان انقلابنك بارز بر اثری ده بو مجموعه كالاتی وطنمزه مال ایدن انقلاب حقوق وعدلی در. ملتك رشدی ، بو انقلابی كوزلجه تقدیر وهضم ایتمشدر . استقبالك تورك اولادلی قیمتی ثمرلرینی طوبلادقچه بو علو همتی دها واسع مقیاسده تقدیرلرله یاد ایله جكددر. بو كونیك نسلك هر علم شعبه سنه منسوب فعال عنصری یالكز استقباله ویره جکی هدیه لرك معنوی ذوقلردن اخذ قوت ایله اكتفا ایدر.

بو هدیه لر اوكرزده آچیلان آنار مدینتی بیوك بر تهلك ، ییلماز بر سعی ایله تورك جامعه سنه مال ایتكدن عبارتدر. بویله جه آبدات حقوقیه یی آلاجفز ، آلفه مجبورز. آنار مدینه ، جمعیت مدینه نك مشترك مالیدر. اوفق ، تفك فرقلر ایسه هر كتله نك كندی احتیاجلردن منبعدر. بزم احتیاجلریمزك ایجاب ایتدیردیکی بك جزئی تعدیلار مستقنا

اوله رق آثار مدنیہی تام و کامل بر صورتہ بنسہ مک وظیفہ مزددر. حقوق ساحہ سندہ
بو صورتلہ وجود بولان قانون مدنی. بورجلر قانونی و دیگر قانونلر بو ترقی یولنک
ارمغانلریدر.

کنج حقوق شناسلریمز علمک مسندی اولان تدقیق، تجربہ ساحہ سندہ واقفانہ
یورویہ جکلر، عالم مدینتدن آنان آبدات حقوقیہ یکی فکرلر، نظریہ لر علاوہ ایله جکلردر.
بو صورتلہ درک آنلره دوشن وظیفہ یاپلمس اولور. ایشته او وقت بزدهده حقوقی دهالر
وجود بولاجقدر. بنجه بو بر خیال دکل، کورولہ جک بر حقیقتدر. چونکہ افق،
آچیلمشدر. چونکہ تورکک قدرت، قابلیتک شاهی تاریخدر.

تجارت، جزا مقابلی اوله رق قبول ایتدی کمز احکام حقوقیہ و اصولیہ ایچون اسویجره
حقوقیاتی منبع و مأخذ اتخاذ ایدنجه بو حکملرک غایه وی، نہائی واسطه سی اولان احکام
اجرائیہ پی ده عینی منبعک - احتیاج جک ایجاب ایتدیردیکی جزئی تعدیللر مستنا اوله رق -
تام و کامل بر صورتہ آلتق آشکار بر ضرورتدر. عدلیہ و کالتنک دیره کتیی، اجرا
قومیسونیونک [۱] مساعیسی نتیجه سی اوله رق اسویجره نك (دین و افلاس ایچون تعقیبات
حقنہ کی فہدہ رال) قانونی ایله سائر احکام اجرائیہ سندن و لزومی کوریلن جهنلر ایچون ده
آلمان اصول حقوقیہ قانوننک اجرائیہ طائد حکملرندن نقل و استنباط صورتیله یکی اجرا
قانوننک ایلمک لایحه سی تنظیم و تلقی ایلدی کم امر اوزرینه لایحه بالذات و کالت مشارالہ یاه
تقدیم اولوندی. وکیل بک افندی نك ریاستلری آلتندہ حقوق ایشلری مدیری صبری بک
ایله برابر بر آی قدر بو لایحه اوزرنده چالیشیلدی. یقینده موضوعاتمز آراسنه کیره جک
اولان بو لایحه، قانون مدنی و بورجلر قانونی ایله اجرا حاکملری آره سندہ ارتباط،
معاملات اجرائیہ مزده اعظمی تسہیلات حصولہ کتیره جکلر. مجلس ملی مزجه اخیراً
قبول اولنان احکام اجرائیہ بو لایحه دن بر قسمدر. لایحه مرعیت کسب ایدنجه یه قدر
آردن کچمسی طبعی اولان مدت ظرفندہ اصحاب حقوقہ سہولت بخشی ایچون لایحه نك
اک لزومی و مهم قسمی آریجه مجلسہ تقدیم ایدلمشدر. لایحه نك استناد ایلدیکی اسویجره

[۱] قومیسونیون تمیز رؤسای سابق سندن شوق بک افندی نك ریاستندہ دارالفنون مدرسلریزدن
یوسف ضیا، جواد، مصطفی رشید بک افندی لرله بندن متشکلدی.

اجرا حکملرینه شمیدن عطف نظر ایدلسنی فائده لی بولدم . لایحه نك استانبوله تنظیمی و آنقرده تدقیق صره سنده قیمتی حقوق شناسلریمزدن ایتدیكم استفاده بوسورتله تعمیم ایدلس اولور . بو مقصدله بر قاج مقاله قلمه المنی دوشوندم . تدقیقاته اسویجره اجرا تشکیلاتندن باشلادم .

اسویجره اجرا حکملرینه ویریلن اهمیت حقنده بر فکر ویرمیدم . ایچون فهده وال محکمه سی افلاس واجرا دائره سی رئیس دو قنور (په کدر) ک متعدد دیوک جلدلردن مرکب آلمانجه بویوک اجرا شرحی کافیدر . تدقیقاتمز صره سنده صبری بک افندیك ترجمه لرله بو قیمتی اژدن جدأ استفاده ایتدم . بویوک شرحک لسانزه ترجمه سی وکالت جلیله سنک مشکور همتندن بحق بکله نیر .

معلومدر که اسویجره ، یکریمی بش جمهوریتدن مرکب بر حکومت متحده در . قوفه ده راسیونک مرکزی (برن) در . قرق بر بیک اوچوز سکسان طقوز کیلومترو وسکز مترو مربعدن عبارت اولان مساحه سطحیه اوچ ملیون سکز یوز سکسان بیک اوچوز یکریمی اهالی بی احتوا ایدر . [زوریخ ، برن ، لوسرن ، اوری ، شودتی ، آشاخی ویوقاری اونتروالد ، غلاریس ، چوق ، فریبورخ ، سولور ، بال شهری و قیری ، شافهوز ، خارجی وداخلی آبه زل ، ستغال ، غریزون ، آرغووی ، تورغووی ، تسه ن ، وو مرکزی (لوزان) واله ، نوشاتل ، جنو] اسمارنده یکریمی بش قاستونک آری آری قانون و نظاملری بولوندیغی کبی قانون مدنی ، قودزوبلیقاسیون واجرا قانونی عمومی وهیسنه شاملدر .

(اوری ، سووتیس ، آشاخی ویوقاری اونتروالد) قاستونلری آره سنده ۱۳۰۷ تاریخنده باشلایان قوفه ده راسیون دوت یوز سنه صوکره (۱۸۱۵) تاریخنده تام بر وحدت اراشه ایدر . حقوق اصول محاکمه لری قانونمزه اصول حقوقیه سی منبع اولان (نوشاتل ایله واله ، جنو) اک صوک اوله رق بو تاریخنده اتحاده داخل اولشاردر .

نوشاتل سکز یوز یدی کیلومتره تربیعنده اولوب اهالیسی یوز اوتوز بر بیک اوچ یوز طقسانه بالغدر . اون بش حاکمی واردر . حقوقیاتیه اساسلی علاقه مز اولان اسویجره تشکیلات عمومییه حقنده ویریلن پک مختصر معلومات لزومسز عد ایدلر .

اسویچره قانونلرینی (فده‌رال، قانتونال) دییه ایکی به آیره بیلیرز. نقل و استنباط ایلدیکمز فده‌رال، عمومی قانونلرک ساکت اولدییی خصوصی قانتون قانونلرکده وبلکده مختلف شکلده بولورز. خصوصی احتیاجلر بو صورته تأمین اولونمشدر. یالکز بونلر فده‌رال قانوننک صراحتنه، خطوط اصلیه‌سنه مخالف اولاماز. بوده‌ک طبیعیدر. چونکه بو حال اتحاده منافیدر. مثال اوله‌رق نوشاندل جزا قانوننک (۴۵۹) نجی ماده‌سنی ذکر ایده‌رز. بو ماده‌ده (بورج و افلاس ایچون تعقیبات حقنده کی قانوننک ۹۰، ۱۶۳، ۲۲۲، ۲۲۹ و ۲۷۵ نجی ماده‌لرنده موضوع مکفیتره مخالف حرکت ایدن بورجلی و مفلس صلح حاکی طرفندن پولیس حاکی صفیله ایکی آبه قدر (حبس مدتی) ایله جزا لایدریلیر دنیلمشدر. (prison civile) بزم حبس اجرائی به و اصول محاکمه کی بعض قانونلر یزده کی جزائی مؤیده‌لره بکزر. تکرره اساس اولماز. خلاصه جرم مقابلی تعیین اولنان جزالرک نتیجه‌لرینی وجوده کتیرمز.

دیگر قانتونلر قانونلرنده‌ده بو قیل حکملر واردر. حالبوکه فده‌رال قانونی بو خصوصده ساکتدر. یالکز عمومی حکملر وضع ایتمشدر. از جمله فده‌رال اجرا قانوننک (۲۶) نجی ماده‌سی مقامنه قائم اولان (۲۹ نیشان ۹۲۵) تاریخی قانون ایله ثمره‌سز حجز و افلاس بورجلینک مهم بر قصورندن نشأت ایلدیکی حالده رأی خفندن محرومیتنی انتاج ایده‌جکی عمومی بر قاعده اوله‌رق قبول و قانتون قانونلرنده نه کی حکملر محفوظ‌قاله‌جی ونه اساسلر دائره‌سنده وضع احکام ایلیه‌جکلی تعیین ایدلمش و خلاصه احکام اجرائیه حقنده قانتونلرک وضع ایده‌بله‌جکلی مؤیدات جزائی و جهه‌سی کو سترلمشدر. اسویچره معاملات اجرائیه‌سنده اساس فده‌رال اجرا قانونیدر. غیر منقول ماللرک صایشته دائر (۲۹ نیشان ۱۹۲۰) اشتراک حالده بولنان حصه‌لرک حجز و فروختی حقنده ۱۹۲۳ تاریخی نظامنامه‌لر و بونلردن بشقه فده‌رال محکمه‌سنک اجرا ایشلرینه دائر مختلف تاریخی نظاملر، تعلیماتنامه‌لر، تعمیرلر مذکور قانون حکملرینی اکال و اتمام ایتمشدر. بو هیئت مجموعه، اسویچره احکام اجرائیه‌سنی تشکیل ایدر. بونلردن بشقه قانتون قانونلرنده بالخاصه اجرا تشکیلاتی متمم حکملر واردر.

فده‌رال محکمه‌سنک تعلیماتلری‌ده مجبوری التظلیق‌در. فده‌رال اجرا قانوننک ۴۵ نجی

ماده سی (بوقانونك اجراسی ایچون لازم اولان نظام وتعلیماتلرک فدهدال محکمه سنجه تنظیم ایدلمسی) آمردر . قانون مدینک فدهدال اوله رق قبولی اوزرینه اجرا قانونی حکملرینک احکام اصلیه ایله ارتباطی تأمین ضمانتده اجرا قانوننده تعدیلات یاپلشددر . بوتعدیلاتک (۱ قانون تانی ۱۹۲۵) تاریخته قدر دوامی کوروروز . بتون بو حکملر ، تعدیلاتر دو قور (یه کسر) ک شرحنده اکمال صورتیله عللانه تشریح اولومشددر .

فدهدال قانوننک برنجی بانی اجرا تشکیلاتنک آنا خطرینی کوستردر .

هر قانتون افلاس اداره سی و بورچ ایچون تعقیبات دائرلرینه آریلا بیلیر . احتوا ایدر . افلاس دائر سی ده بورچ ایچون تعقیبات دائرلرینه آریلا بیلیر .

افلاس واجرا دائرلری قلملرینک تشکیلاتی قانتونلره طأددر . بوقلملر توحید اوله بیلیر . هر دائره معاملاتی برناموره مودوعددر . (اسویجره اجرا قانونی ماده ۱-۴) .

افلاس واجرا ایشلری بودائرلر و بونلرک مأمور مخصوصلری طرفندن یاپیلیر . بزده اولدینی کبی افلاس ایشلری تجارت محکمه سنجه ایفا اولونماز . اوراده اجرا و افلاس ایشلری عینی قانونه تابع ، عینی دائرلره طأددر . بزده اوتهدنبری افلاس ایشلرینک محکمه لرجه کورلمسی ، اخیراً افلاس قانونی لایحه سی آری تنظیم ایدلمسی حسبیلده اجرا قانونی لایحه سیه افلاس حکملری بالطبع آلمانمشددر . بواعبارله آردهد فرق حاصل اولمشددر . شو حالده افلاس تشکیلات و حکملری بزی علاقه دار ایتمز .

اجرا ایشلری مودوع اولان مأمور مخصوصک بزده مقابلی اجرا مأموریددر .

اجرا مأموری بالعموم معاملات اجراییه طوغریدن طوغری به یاپار . آریجه قرار استحصالی مجبورتی یوقدر . خلاصه اجرا مأموری مستقلدر . وظیفه سنی کیمسه دن صور مقسزین رأساً یاپار .

اجرا مأمورینک بو وضعیتنه مقابل آتیده کی تأمینات قبول اولومشددر :

۱ — هر قانتون افلاس واجرا مأمورلرینک معامله لری ایچون بر مرجع شکایت کوسترمشددر (ماده ۱۳) .

بومرجعه (اوتوریته سوروییناس) دینیلیر . لسانمزده بوکا (نظارت و یا تفتیش مقامی)

دییه بیلیرزکه بزده مقابلی بدرجه به قدر (اجرا رئیس) در . بومقام اجرا و افلاس ایشلری حقنده مراقبه و شکایت مرجعیدر .

قانونلار بر ویا متعدد دائرلر ایچون ایکنجی درجهده تفتیش مقامی ده احداث ایده بیلیرلر. تفتیش مقاملری هر قانتونده دیکشیر. بعضیلرنده بر ویا متعدد حاکدن ترکیب ایدر. بعضیلرنده عدلیه ناظری ویا قضا قائم مقامی تفتیش مقامی اوله رق کوسترلمشدر. قانتونلرک بر قسمنده تفتیش مقامی بر وبعضیلرنده ایکی در. خلاصه هر قانتون فدهده رال قانتونک تطبیقاتنه دائر نشر ایلدیکی قانونلرله بوتقرعانی کندی احتیاجنه کوره تعیین ایتمشدر. ایکنجی درجهده بر تشکیل افاده ایدن بو مقاملر مراقبه لرینی اجرا و افلاس دائرلرینی لاقول سنهده بر کره تفتیش صورتیله یا یغمه مجبوردرلر. هر قانتون تفتیش مدتی آبریمجهده تعیین ایده بیلیر.

تفتیش مقامی، مراقبه سنی تعیین مجازات صورتسندهده ایفایه صلاحیتداردر. اجرا مأموریه قلمی تشکیل ایدن دیگر مأمورلرک مخالف قانون و اصول حرکتی تحقیق ایتدیرن بومقام بونلر حقنده (اخطار، ایکی یوز فرانقه قدر جزای نقدی، آلتی آیه قدر تعطیل مأموریت و عزل) جزالری تعیین ایده بیلیر (ماده ۱۴).

زده مأمورین قانتونک تعیین ایلدیکی اخطار جزاسنی استئننا ایدر ایسه ک مذکور مقامه معادل عد اوله بیلن اجرا رئیسی ذکر اولنان صلاحیتی حائز دکلدرد. اجرا مأمورلرینک معامله لری قانونه مغایر اولدینی ویا ماهیه غیر موافق بولسیدینی تقدیرده قانون و علاقه دارلر ایچون ایکی مرجع شکایت کوسترمشدر. تعیین و تصریح ایتدیکی خصوصلر حقنده منحصرأ (محکمه) و بونلرک غیري بالعموم معاملات اجراییه حقنده (تفتیش مقامی) در (ماده ۱۷). بومقامه مراجعت، اجرا معامله سنی ایکنجی درجهده معروض تدقیق قیلمقدن عبارتدر. اجرا ایشنده برنوع استیناف دیمکدر. بونک مدتی اون کوندر.

اجرادن امتناع ویا تأخیر اجرا حاللرنده مراجعت مدتله مقید دکلدرد. ایکنجی درجه مقامک معامله لری حقسندهده عینی صورتله مافوق مقامه مراجعت اولونور. شکایت و مراجعت اوزرینه تفتیش مقامی تدقیقاتی ضبط صورتلری اوزرینه در حال یاپار. دوائر اجراییهده جریان قی تصور ایدیلن هراساسلی ایش ایچون بر ضبط نمونه سی تنظیم و طبع ایدلمشدر. بونمونه لر هرا اجرا دائره سنده یکنسق بر صورتده تطبیق اولونور. همان، همان

مطبوع نمونه‌لر خارجنده معامله یوقدر دیلسه خطا ایدلمه‌مش اولور ظننده‌یم. تدقیقاتم تطبیقاته و مشاهده‌یه مستند اولمادیفندن بالطبع قطعی سوبله‌نه‌مز. نمونه‌لر سرپسینی آفرده تدقیق ایتدم. هر نمونه، تعلق ایتدیکی مواد قانونیه‌نی ده محتویدر. خلاصه ایشار بساطته ارجاع و اوراق مطبوعه‌دن اعظمی استفاده صورتیله یا یلمقمده بولندی قناعتی حاصل ایلدم. هر مشتکی شکایتک تعلق ایتدیکی مسئله‌نک نمونه صورتی آلارق تفتیش مقامه تقدیم ایده‌جکندن بالطبع اصل اجرا دوسیه‌سنگ جلبنده محل قالماز و اساساً مذکور مقامه مراجعت اجرایی تأخیر ایتمز. مگر که مقام تأخیر اجرایه قرار ویرمش اوله. تفتیش مقامی شکایت اولان معامله‌نی ابطاله، تصحیحه، تعدیله صلاحیتدار اولوب ویره‌جکی قرار دائره‌سنده حرکتیه اجرا مأمورلری مجبوردر (ماده ۲۱).

۲ — قانتون تفتیش مقاملرینک، اتخاذ ایتدیکی قرارلر قابل تمیزدر. مخالف قانون قرارلر حقنده تمیز مدتی قرارک تبلیغی تاریخندن اعتباراً اون کوندر. قانتون مقاملرینک اجرادن امتناعلری حائنده فده‌رال مجلسنه مراجعت اولنه‌یلیر. تدقیقات تمیزیه فده‌رال محکمه‌سنده اجرا اولونور (ماده ۱۹۵). فده‌رال محکمه‌سی، تمیز محکمه‌سی دیمکدر. قانتونلرک آری آری تشکیلات عدلیه‌سنگ ناظمی، بو محکمه‌در. عدلی قوفنده راسیون برقمم متحد و عمومی قانونلر و فده‌رال محکمه‌سی ایله تجلی ایدر. قانتون محکمه‌لرینک صلاحیتلری ماهیت دعوی اعتباریله معین اولوب هر قانتونده آریجه (پرودون) دینیلن تشکیللر واردر که باطرونلرله چیراق و عمللر آره‌سنده کی اختلافلری حل ایدر. سیفور. طه‌لردن منبعث اختلافاتک نهائی تدقیقاتی وظیفه‌سیله مکلف (لوسرن) ده آری برتمیز محکمه‌سی ده واردر. فده‌رال محکمه‌سی بزم ایچوندن تاریخی برخطره‌سی اولان (لوزان) شهرنده در.

فده‌رال محکمه‌سی تقسیمی میاننده بولان (افلاس و اجرا دائره‌سی) بر رئیس وایکی اعضادن مرکبدر. سالنامه‌یه کوره دو قوتور (به‌کدر) رئیس و موسیو (سولداتی و رامبر) اعضالریدر.

تفتیش مقاملرینک قرارینه قارشی تمیز وقوعی اجرایی تأخیر ایتمز. تدقیقات مذکور مقامده تنظیم ایدلمش اولان دوسیه اوزرینه اجرا ایدیلجکی واصل دوسیه اجرا دائره.

سندە بولدىنى جەھتە بۇ مەاملە اجرايە فەلأدە حائز تائير اولماز . فەدەرال محكمەسى اجرائك تآخيرىنە قرار ويررسە درحال تبليغ ايدر . تفتيش مقامك هر قرارى تميز اولنەبيلير . تحيدىدى بر قيد ويا تميز ايچون بر شرط موجود اولديفنه دائر بر حكمة تصادف ايدەمدەم . اجرائك تآخيرى ويا قرارك تصديق حالندە تبليغات ايچون پوستە توسيط اولۇنمقەدەدر . خلاصە بزم ايچون بالخاصە شايان تأمل اولان تميز اصولك اسويچرەدە بك قولاي اولديغنى موجود تشكيلات كوسترمكەدەدر . تفصيلات مېجوتەدن آكلاپورزكە فەدەرال محكمەسى معاملات اجرايە حقندە ايكي وظيفە ايله مكلفدەر .

برنجيسى (على العادە تميزاً تدقيقات اجراسى) ، ايكنجيسى (معاملات افلاسيە واجرائيەدە نظارت عليه وقانونك يكنسقى برصورتدە تطبيقە متدائر تدابير حقوقية ايفاسى) . فەدەرال محكمەسى قانتون تفتيش مقاملرينە تعليمات ويرر ، اجرا وافلاس دائرەلرى تفتيشائى حقندە بۇ مقاملردن سنەلك راپور ايستەر ، كندى دائرە قضائىەلرندە مقيم اولوبدە حقندە افلاس تعقيباتى ياپيلائنلرك احوالى مېين ليستەلرى تنظيم ايتديرر (مادە ۶۵ و ۱۹) . شو حالندە وظيفەسى قضائى ، تشريعى وبردرجەدە ادارىدر . قانونك محكمەيە مراجعتى نصريح ايلديكي خصوصات حقندە قانتونلر بۇ مرجعى تعيين ايدرلر .

بۇ مرجع ، متعدد ساكەدن مركب محكمە ، منفرد حاكم ويا محكمە ودائرە اعضاسندىن برى اولور (مادە ۲۲) . بۇ مرجع خصوص مذكورى تدقيق وقرارە ربط ايدر كە قرارك تدقيقات تميزيەسى بالطبع عمومى قاعدەيە تابعدەر .

۳ — مأمورين اجرائيەك قصورلردىن متولد ضررلر تضمين اولونور . مسئوليت مأمورە وكفيلنە ترتب ايدەجكى كې بونلرك تضمين ايدەمدكلرى ضررلر قانتونلر واتحاد طرفندن تضمين ايديلير .

ضرر وزيان دعواسى متضرر اولان كېمەسەك ضررە مطلع اولديغنى كوندىن اعتباراً بر ومطلع اولماش ايسە ضررى موجب فعلك وقوعى تاريخندن اعتباراً اون سنە صوكرە ساقط اولور . شو قدر كە ضرر ، مستلزم جزا بر فعلدىن منبعت اولوبدە بوفعلدەها اوزون مرور زمانە تابع ايسە حقوق عمومىە مرور زمانى حقوق شخصيە حقندەدە تطبيق ايديلير (مادە : ۷ ، ۶ ، ۵)

اجرا ایشلری حقنده کی تأمیناتک اهمیت ویریلن ایضاحات ایله تظاهر ایدر . تلخیص ایدر ایسه ک شو نتیجه واریز : اجرا مأموری بالعموم اجرا قرارلرینی بالذات ویرر ، معامله لرینی تعیین ایدر ، بونلری تطبیق ایلر ، قانونک ۹۱نجی ماده سنده ذکر ایدلدیکی اوزره ایجابی حالده قوه مسلحه استعمال ایدر . اجرا مأموری تبلیغ ، فروخت ، توزیع والحاصل بوتون اجرا ایشلرینی یاپارکن کیمسه دن قرار آلاز و صورماز .

بو ایشلری مخالف قانون کورن علاقه دار ایچون ایکی مرجع مراجعت وشکایت واردر . قانونک تصریح ایلدیکی خصوصلره مقصور اوله رق (محکمه) ، بونلردن غیریسنده بر ویا ایکی (تفتیش مقامی) و بونلرک ویره جکلری قراده قناعت ایتمائلره صوک مرحله (فده رال محکمه سی) در . بو طریقلره معامله اصلاح اولونور . هر هانکی بر صورتله مأمورین اجراییه نك قصورندن ضرر کورن محکمه یه مراجعتله تضمین ایتدیرر .

ضامنی بدایه مأمور و کفیلی و انتهای دولتر . بوتون بو ترتیبات و تأمیناتک قبولی پک صمیمی اوله رق شایان تمی و بیلکده غایه مزدر . آنجق بونک ایچون فکر بجه شرط اصلی عینی تشکیلات ، ترتیبات و وسائلی برابرجه تأمیندر . عکس تقدیرده تشکیلات و وسائله کوره تعدیل و تألیف ضرورتندیز . نته کیم بونک اساسلی و مهم نقطه قانون قومبیسونمزده علمی مناظره یی موجب اولمش ، اعضانک مختلف رأیلری صورت مخصوصه ده قید و تصریح ایدلشددر . خاتمه اوله رق قانتونال اجرا تشکیلاتنده عطف نظر ایدم : بونک ایچون نوشتاتل قانتونی مثال کوستره حکم . دیگر قانتونلرک بو یولده تشکیللری و بونلره متفرع حکملری واردر .

فده رال اجرا قانونک تطبیقاتنه متدائر نوشتاتل قانونی (۲۲ مارت ۱۹۱۰) تاریخلیدر . (۲ مایس ۱۸۹۱) تاریخلی تطبیقات قانونی توسیعاً اکمال ایلشددر . (۴۵) ماده دن عبارت اولان مذکور قانونک آلتنجی ماده سی (۱۷ مایس ۱۹۱۵) تاریخنده تعدیل و (۴۳)نجی ماده سی الغا ایدلشددر . قانون (تشکیلات ، اصول محاکمه متعلق حکملر ، اموال غیر منقوله نك فروختی ایله نقده تحویلی ، (احکام مختلفه و احکام جزاییه) نامرله بش فصلی و احکام موقته و نهاییه یی محتویدر . بونلردن تشکیلات بحثی موضوعمه داخلدر .

نوشتاتل قانتونی ناحیه لرک احتیاجنه تقابل ایدن آلتی افلاس و تعقیبات دائره سینه تقسیم اولونمیشدر . هر تعقیبات و افلاس دائره سی بر مأموره مودوع اولوب بر معاونی و متعدد کاتبی واردر . ناحیه مرکز لری خارجنده یاپیله حق احتیاطی ، اجرایی حمزلرو ثبت

دفتر ایچون معین محله مقصور اوله رق مجلس وکلا آری اجرا مأمورلری تعیین ایده بیلیر که بونلر وظیفه یاپدق لری زمان اجرته استحقاق کسب ایدرلر. بو مأمورک وضعیتی بزده اجرا معاون وکاتینک مأموراً کویلره اعزامی شکلنده و فقط معین محل و اینس ایچون معین شخصک توظیفی صورتنده کوروروز.

تعقیبات وافلاس دائره سی مأموری قانوناً معین وظیفه سندن ماعدا قاری و قوجه ماللرینک اداره سنه متعلق دفتر ایله تجارت دفترینی ده طوتار. اجرا وافلاس مأمورلری هر دوره تشریعه بدایتده اوچ سنه بر مدت ایچون مجلس وکلا طرفندن تعیین اولنورلر. یکریمی یاشنه وصول شرطدر. حاکم و مأمورلر قانوننده معین حاللرده عزل اولنه بیلیرلر. (تطبیقات قانونی ماده: ۱، ۲، ۳)

اجرا وافلاس مأمورلری، رسمی مأمورلرک تأمیناتی حقنده (۲۱ تشرین ثانی ۱۸۶۱) تاریخی قرارنامه نیک ایکنجی ماده سنه توفیقاً تأمینات ارائه سنه مجبوردرلر. تأمینات مقداری (بیک، اوچ، بش، اون بیک فراتق) اوله رق درت درجه در. وظیفه نیک اهمیتته، حدود قضائیه نیک وسعتنه کوره بو مقدار مجلس وکلا طرفندن تعیین اولنور. وفات، تقاعد، عزل کی بر سببیه مأمورک انفکاکنده تأمیناته تعلق ایدن مکلفیتدن دولانی مطالبه سی اولان علاقهدارلرک مراجعت ایتملری اعلان ایدیلر. محق بر مراجعت واقع اولمازسه مجلس وکلا قراریه تأمینات مستحقه اعاده ایدیلر (ماده ۵) معاملات اجراییه وافلاسیه حقنده قانتون تفتیش و مراقبه مقامنه کنبجه: دائره نیک بولندیی ناحیه محکمه رئیس بریحی درجه مراقبه مقامیدر (ماده ۵) قبل الاجرا اتخاذ قرار مجبوریتنی رفع ایدر ایسه ک بزده محکمه رئیس اولان اجرا رئیس صفتیه ایضای وظیفه ایتمسی خصوصی بوکا تماماً مشاهددر.

اولجه (مجلس وکلا) قانتون مراقبه مقامی ایدی و بو وظیفه عدلیه دائره سنه مربوط خصوصی بر دائره معرفتیه ایفا اولونوردی (ماده: ۶).

بزده عدلیه وکالتنک مراقبه سی بوکا تشبیه ایده بیلیر. فقط بزده کی مراقبه و عند الایجاب سبق ایدن مطالعه اجرا معامله سنک ماهیتی تبدیله قانوناً مؤثر اولماز. بلکه تشکیلات اساسیه قانونمز موجبجه موجود مسئولیت اساسندن منبعدر.

سالف الذکر آلتنجی ماده (۱۹۱۵) تاریخی قانونله تعدیلاً الفا ایدیلرک ده اعلی و حقوقی بر تشکیل وجوده کتیرلشدر. هر دوره تشریعه بدایتده قانتون محکمه سنک تعیین ایده جکی کندی اوچ اعضاسندن مرکب بر قسمی قانتون محکمه رئیسینک تحت

ریاستده تعقیبات وافلاس دائره لرینگ قانتون مراقبه دائره سی اوله رق قبول ایدلمشدر .
شو حالده ناحیه محکمه رئیسی برنجی وقانتون مراقبه دائره سی ده ایکنجی درجه تفتیش
مقامی دیمک اولور .

مراقبه وتفتیش مقاملری ، اجرا مأمورینک قرار ومعامله لری حقنده ایشه وضع
ید تاربخندن اعتباراً اعظمی اون کون ظرفنده حکمنی ویرمکه مکلفدر . قامیو تعقیباندن
طولانی بو مدت بش کوندر .

محکمه رئیسی ، برنجی درجه مراقبه مقامی صفیله افلاس واجرا دائره سنی لاقلا
آیده بز دفعه تفتیش ایدر .

معاملات اجرائیه وافلاسیه حقنده کرک برنجی درجه وکرک قانتون مراقبه مقاملرینه
شکایت ومراجعت آنجق تحریراً اولابیلیر (ماده : ۷ ، ۸ ، ۹) . فده رال اجرا قانونک
حاکمه مراجعتی قید وتصریح ایلدیکی خصوصلر ایچون نوشاتلده (ناحیه محکمه رئیسی
صلح حاکمی وقانتون محکمه سی) در . بونلرک هر برینه عائد وظیفه وصلاحت قانوناً
معیندر . قانون مدنی موجبجه رهن مقابلنده اقراض معامله سی یایمغه مأذون مؤسسه لرک
مطلوبنی تحصیل ایچون رهن بزده اجرا دائره سی واسطه سیله ساتلدیغنی حالده نوشاتلده
صلح محکمه سی ضبط کاتبی معرفتیه ساتیلیر . فده رال قانونک ۹ نجی ماده سی موجبجه
افلاس واجرا دائره لری وضع ید ایتدکلری نفوذ و قیمتلی اوراق واشیایی (Dédôts et
consignation) ه یاتیرمغه مجبوردرلر . بوکا (تودیعات وزنه سی) دیه ییلیرز . قانونک
۲۴ نجی ماده سنده ذکر ایلدیکی اوزره هر قانتون بر وزنه تعیین ایدروبوندن مسئولدر .
نوشاتلده (تودیعات وزنه سی) قانتون بانکه سی در .

اجرا وافلاس دائره لری مأمورلری معاشلیر . فرانسز آوویه لری کبی دکلدز .
معاشلری حاکم ومأمورلرک معاشلرینه دائر قانون موجبجه تعیین ایدیلیر . بونلر آلا جقلیر
وسائر علاقه دارلرک وکیلی ومثلی کبی حرکت ایدمزلر . بو حکملر تماماً بزمکنه مطابقدر .
افلاس واجرا دائره لری تحصیلاتی وبونلرک حکومت عائد قسمی عدلیه دائره سی طرفندن
طرفندن آیریجه تفتیشه تابعدر (ماده : ۱۰ الی ۲۰ و ۲۶) . فده رال وقانتونال اوله رق اسویجره
احکام اجرائیه سندن تشکیلات حقنده بمحلاً ویریلن معلومات اسویجرده اجرا ایشلرینک
نه درجه اهمیتله تلقی ایلدیکی ونه قدر مهم ومتسلسل تأمیناته ربط اولندیغنی ارانه ایدر .
استانبول اجرا رئیسی حاکم اوغلی

احمد رفیع